

EBAZPENA, 2017ko urriaren 10ekoa, Unibasq Euskal Unibertsitate Sistemaren Kalitate Agentziako zuzendariarena; haren bidez, Euskal Unibertsitate Sistemako doktorego-programen unibertsitate-titulu ofizialen egiaztapena berritzeko Protokoloa (Unibasqeko Aholku Batzordeak 2017ko urriaren 9an onartua) ematen da argitara.

EUSKAL UNIBERTSITATE SISTEMAKO DOKTOREGO-PROGRAMEN UNIBERTSITATE-TITULU OFIZIALEN EGIAZTAPENA BERRITZEKO PROTOKOLOA

AURKIBIDEA

1. ERREFERENTZIA-ESPARRUA.....	1
2. XEDEA ETA NORAINOKOA	2
3. HELBURUAK.....	3
4. EUSKAL UNIBERTSITATE SISTEMAKO TITULU OFIZIALEN EGIAZTAPENA BERRITZEKO TXOSTENA EGITEKO PROZEDURA.....	3
5. EBALUAZIO-IRIZPIDEAK	8
6. IRIZPIDEEN BALIOESPENA.....	9
7. EGIAZTAPENAREN BERRITZEAREN, AUDIT-EN ETA DOCENTIA-REN ARTEKO LOTURA	10

1. ERREFERENTZIA-ESPARRUA

Doktorego-irakaskuntza ofizialak arautzen dituen urtarrilaren 28ko 99/2011 Errege Dekretuak doktorego-programetarako egitura berri bat ezartzen duen arau-esparru berri bat ezartzen du, eta Goi Mailako Hezkuntzaren Europako Esparruko (GHEE) jarraibideei eta Europako eta nazioarteko hainbat forotan sortutako gomendioei jarraitzen die. Gomendio horiek guztiak honako gai hauei buruzkoak dira: doktoregoaren egitura eta antolaketa, eskuratu beharreko kompetentziak, ikerketa-karreraren hasierako etapan sartzeko baldintzak eta garapena, ikerketa-prestakuntza gainbegiratzeak eta tutoretzak betetzen duten funtsezko zeregina, prestakuntza hori komunikazioa eta sormena sustatuko dituen ikerketa-giro batean txertatzeko aukera, nazioartekotzea eta mugikortasuna (oinarrizkoak horrelako ikasketetan), eta kalitatearen ebaluazioa eta egiaztapena, nazioarteko aitorten eta erakargarritasunerako erreferentzia gisa.

Unibertsitate-irakaskuntza ofizialen eta haien ondorengo aldaketen antolamendua ezartzen duen urriaren 29ko 1393/2007 Errege Dekretuak unibertsitate-irakaskuntza ofizialak egiaztatu, jarraitu eta berritzeko prozesuak arautzeko esparru orokorra ezartzen du.

24.2 artikuluan ezartzen denez, Doktoregoko unibertsitate-titulu ofizialen egiaztapena sei urteko gehieneko epean berritu beharko da. Epe hori Gradu, Master edo Doktoregoko tituluaren hasierako egiaztapena egiten den egunetik edota azken egiaztapenaren egunetik aurrera zenbatuko da.

Gradu, Master eta Doktoregoko unibertsitate-titulu ofizialen egiaztapena Autonomia Erkidego bakoitzak bere eskumen-eremuko unibertsitateei dagokienez ezartzen duen prozeduraren arabera berrituko da, 27 bis artikuluan xedatutakoaren esparruan.

Ildo horretan, Gradu, Master eta Doktoregoko unibertsitate-tituluen egiaztapena berritzeko prozedura eta epeak ezartzen dituen urriaren 16ko 205/2012 Dekretuak ezartzen duenez, ebaluazioa Unibasq agentziak egingo du, eta, gutxienez, ikasketa-plana onartutako azken proiektuari jarraikiz egiten ari dela ziurtatzeko egiaztapen bat eta unibertsitateaz kanpoko aditu batzuek egindako ebaluazio presentzial bati buruzko txosten bat bilduko du ebaluazio horrek.

Unibertsitateen Kalitaterako Agentzien Espainiako Sareko (REACU) kide diren ebaluazio-agentzia guztiek lagundu zuten egiaztapena berritzeko “*Doktoregoko titulu ofizialen jarraipena egiteko eta egiaztatze ebaluazio-irizpideak eta ebaluazio-jarraibideak*” dokumentua idazten (dokumentu hori Jarraipena eta Egiaztapena Arautzeko Unibertsitate Batzordeak –CURSA– egindako bileran onartu zuen protokolo-dokumentuaren parte da).

CURSA protokoloan, indarrean dagoen araudian eta E4 Taldeak (European Association for Quality Assurance in Higher Education (ENQA), European Students’ Union (ESU), European University Association (EUA) eta European Association of Institutions in Higher Education (EURASHE) entitateek) Education International (EI), BUSINESSEUROPE eta European Quality Assurance Register of Higher Education (EQAR) entitateekin batera landutako Goi Mailako Hezkuntzaren Europako Esparruan kalitatea bermatzeko irizpide eta jarraibideetan oinarrituta, Agentziaren Aholku Batzordeak Protokolo berri bat onartzeko erabakia hartu zuen 2017ko urriaren 9ko bilkuran. Protokolo horren edukia ondorengo ataletan ezarritakoa da.

Protokolo honetan aipatzen diren eranskinak Unibasqen webgunean daude eskuragarri (<http://www.unibasq.eus>):

- I. Eranskina: Unibertsitateak doktorego-programen egiaztapenaren berritzerako Autoebaluazio Txostena egiteko eredia.
- II. Eranskina: Bisita Panelak doktorego-programetarako bisita prestatzeko tresna.
- III. Eranskina: Bisita Panelak doktorego-programetarako bisita egiteko agenda-eredua.
- IV. Eranskina: Doktorego-programetarako egiaztapena berritzeko ebaluaziorako bisitari buruzko txostenaren eredia.
- V. Eranskina: Doktorego-programetarako egiaztapenaren berritzeari buruzko txostenaren eredia.
- VI. Eranskina: Aipamen bereziak

2. XEDEA ETA NORAINOKOA

Egiaztapenaren berritzea Unibertsitate, Zentro eta Tituluen Erregistroan (RUCT) inskribatutako Euskal Unibertsitate Sistemako titulu ofizial guztiek aldizka nahitaez egin beharreko ebaluazio-prozesu orokor baten parte da.

Protokolo honek Euskal Autonomia Erkidegoko eskumen-eremuko unibertsitateen RUCTean inskribatuta dauden doktorego-programen titulazio ofizialen egiaztapena berritzeko irizpideak ezartzen ditu. Titulua unibertsitate artekoa bada, tituluaren egiaztapena eskatu zuen Unibertsitatea kokatuta dagoen autonomia-erkidegoko ebaluazio-agentziak berrituko du egiaztapena.

3. HELBURUAK

Egiaztapena berritzearen helburuak honako hauek dira:

- Eskaintako doktorego-programaren kalitatea ziurtatzea, ezarritako kalifikazio-mailei eta indarrean dagoen lege-araudian adierazitako irizpideei jarraikiz.
- Doktorego-programaren garapenean lortutako emaitzen kalitatea dagokion ebaluazio-organoak eskuratu eta egiaztatutako konpromisoekin bat datorrela bermatzea.
- Doktorego-programak jarraipen-prozesu egokia izan duela eta garapena aztertze eta bidezko hobekuntza-proposamenak sortzeko eskuragarri zegoen informazio kuantitatibo eta kualitatiboa erabili dela egiaztatzea.
- Estatuko eta nazioarteko unibertsitate-sistemako ikasleei eta beste interes-agente batzuei erabakiak hartzen lagunduko dien informazio publiko, baliozko, fidagarri, egoki eta garrantzitsuaren erabilgarritasuna eta eskuragarritasuna ziurtatzea.
- Doktorego-programa hobetzeko gomendioak eta/edo iradokizunak aurkeztea.

Beraz, egiaztapena berritzeko prozesuari esker, titulua egiaztapen-memorian edo geroago egindako aldaketetan ezarritakoari jarraikiz eskaintzen ote den egiaztatu ahal izango da, baita lortutako emaitzek eta haien bilakaerak egiaztapena berritzea justifikatzen ote duten ere. Era berean, egiaztapena berritzeko egiten den ebaluazio-prozesuak tituluan emaitzak hobetzeren arreta berezia eskatzen duten alderdiak identifikatzen lagunduko du.

4. EUSKAL UNIBERTSITATE SISTEMAKO TITULU OFIZIALEN EGIAZTAPENA BERRITZEKO TXOSTENA EGITEKO PROZEDURA

4.1. Eskaera Unibasqen jasotzea

Euskal Autonomia Erkidegoko Gradu, Master eta Doktoregoko unibertsitate-tituluen egiaztapena berritzeko prozedura eta epeak ezartzen dituen urriaren 16ko 205/2012 Dekretuan ezarritakoaren arabera, unibertsitateak Eusko Jaurlaritzan unibertsitateen arloko eskumena duen Sailean eskaera aurkezten duenean hasiko da dagokion prozedura, betiere Unibertsitate eta Ikerketa sailburuordearen Aginduaren bidez onartzen diren epeen barruan. Eskaerarekin batera, **Autoebaluazio Txostena (I. Eranskina)** eta txosten horretan bildutako informazioa justifikatuko duten **ebidentziak** aurkeztuko ditu Unibertsitateak.

Espedientea bideratu ondoren, unibertsitateen arloko eskumena duen Sailak Unibasqi igorriko dio.

4.2. Bisita Panelaren eraketa

Unibasqek titulazioaren ezarpenaren ebaluazioaz gain ebaluatu beharreko titulua ematen den zentrorako bisita egingo duten bisita-panelak eratuko ditu.

Bisita Panelaren jardunek Unibasqek bere Etika eta Eskubide Kodean eta dokumentu honek biltzen dituen barne-prozedurako arauetan ezarritako argibideei jarraituko diete.

Oro har, Bisita Panelaren osaera honako hau izango da:

- **Presidentea.** Ospe akademikoko pertsona bat izango da (katedraduna edo baliokidea), eta esperientzia izango du, Unibasqen edo beste agentziaren baten Ebaluazio Batzordeko kide gisa, titulazioak baimendu, egiaztatu edo jarraipena egiteko alde aurreko txostena egiteko prozesuetan.
- **Kide akademikoen kopuru aldagarri bat.** Kopuru hori honako alderdi hauen arabera finkatuko da:
 - ✓ Ebaluatu beharreko tituluen kopurua.
 - ✓ Ebaluatu beharreko tituluen eremu akademikoaren heterogeneotasuna.
- **Bisitan idazkari-funtzioak beteko dituen pertsona bat.**
- **Maila teknikoan idazkari-funtzioak beteko dituen pertsona bat.**
- **Ebaluatu beharreko tituluen adar akademikoko kide ikasle bat,** ebaluazio-prozesuetan prestakuntza duena.
- **Kalitatea Bermatzeko Sistemari (KBS) aditua den pertsona bat.**

Halaber, Unibertsitateak eskatzen badu edo tituluen ezaugarriak direla eta beharrezkoa bada, ebaluatu beharreko tituluen eremu zientifiko-teknikoko kide profesional batek eta/edo ebaluazio-prozesuetan esperientzia duen atzerriko aditu batek osatu ahal izango du Bisita Panela.

Unibasqek Bisita Panelen osaera argitaratuko du bere webgunean.

4.3. Ebaluazio Batzordea

Unibasqek bost Ebaluazio Batzorde ditu (jakintza zientifikoaren alor bakoitzeko bat).

Titulazioak Ebaluatzeko Batzordea presidenteak, idazkariak eta, gutxienez, hiru kide akademikok eta kide ikasle batek osatuko dute. Kopuru hori ebaluazio-prozesuaren premien arabera aldatu ahal izango da. Batzordeko kideak Agentziaren webgunean argitaratutako “Unibasqeko ebaluatzaileak hautatzeko Protokoloan” ezarritako irizpideei jarraikiz hautatu eta izendatuko dira.

Batzordeak ospe handiko profesionalen aholkularitza jaso ahal izango du.

Ebaluazio Batzordeen jardunek Unibasqek bere Etika eta Eskubide Kodean eta dokumentu honek biltzen dituen barne-prozedurako arauetan ezarritako argibideei jarraituko diete.

4.4. Bisita Panelak tituluaren egiaztapena berritzeari buruzko txostena jasotzea eta aztertzea

Unibasqek tituluaren Autoebaluazio Txostenak finkatutako betekizunak betetzen dituela egiaztatu ondoren, tituluaren egiaztapena berritzeari buruzko txostena aurkeztuko dio Bisita Panelari. Bertan, bisita egiteko tituluari buruz beharrezkoa den informazio guztia jasoko da:

- ✓ **Egiaztapen-memoriaren** azken bertsioa (tituluak eskatu dituen eta aldeko txostena jaso duten **aldaketak** bilduko dituen) eta tituluaren **egiaztapenari** edo, hala badagokio, **aldaketari buruzko txostenak**.
- ✓ Hala badagokio, Unibasqek egindako tituluaren **Baimenari buruzko Txostena**.
- ✓ Unibasqek tituluaren inguruan egindako **barne-jarraipeneko urteko txostenak** eta **kanpo-jarraipeneko txostenak**.
- ✓ Hala badagokio, **KBSaren ezarpenaren ziurtapen-txostenak**, AUDIT programaren eta KBSak lortutako **ebidentzien** ondoriozkoak.
- ✓ Hala badagokio, **DOCENTIA** programaren ziurtapen-prozesuari buruzko txostenak.
- ✓ Egiaztapena berritzeko ezarritako **adierazleak**.
- ✓ Tituluaren egiaztapena berritzeko **Autoebaluazio Txostena**; txosten horren bidez, Unibertsitateak justifikatuko du tituluak lortutako emaitzek titulua diseinatu zenean ezarritako helburuak betetzen dituztela, aurreko puntuetan biltzen diren ebidentziak eta Autoebaluazio Txostenarekin batera aurkeztu beharreko **ebidentziak** zabalduz edo osatuz.

Bisita Paneleko kideek tituluari buruzko dokumentu guztiak aztertu eta banan-banan aztertuko dituzte. Lan hori errazteko, Unibasqek aplikazio bat erabiltzeko aukera emango die paneleko kideei, titulazioari buruzko txostenaren kontsulta egin eta bidezko ebaluazioa egin ahal izateko (II. Eranskina).

4.5.- Bisita Panelak egindako azterketa indibidualaren bateratze-lana

Azterketa indibiduala egin ondoren, Bisita Paneleko kideek egindako azterketaren emaitzazko ondorio nagusiak eta lehen inpresioak adieraziko dituzte. Bateratze-lanean, bisitan azpimarratu beharreko alderdiak eta honako hauek finkatu beharko ditu Bisita Panelak:

- **Eskatu beharreko ebidentzia gehigarriak:** alderdi nahasiak, kontraesankorrak edo ebidentzietan oinarrituta ez daudenak ziurtatzeko beharrezkoak diren datuak edo informazio gehigarria.
- **Galderak eta elkarrizketatu beharreko kolektiboak:** bisitan argitu beharreko alderdi nagusiak eta elkarrizketatu beharreko kolektiboa identifikatzea.
- **Instalazioetarako bisita:** hala badagokio, instalazio espezifikoetara egiten den bisita.
- **Agenda-proposamena** (III. Eranskina): aurrekoaren arabera, Unibertsitatera igorri beharreko agenda bat egingo da. Ebaluatu beharreko tituluak gaiaren eta/edo ematen dituzten zentroen arabera taldekatuko dira.

4.6. Unibertsitateak bisita prestatzea

Unibertsitateak honako zeregin hauek bete beharko ditu bisita prestatzeko:

- Bisita Panelak aurreikusitako elkarrizketak egiteko eta bildutako informazioa bateratze aldera egiten dituzten barne-bilerak egiteko behar izango dituen gelak –behar bezala egokituak– prestatzea. Halaber, interneterako konexioa izateko erraztasunak eman beharko dizkio ebaluazio-taldeari.
- Beharrezkoa denean, Bisita Panelaren bidaiak erraztu beharko ditu.
- Adituen Panelak eskatzen dituen kolektibo inplikatuetakoko pertsonak hautatzea eta bilerak behar bezala antolatzea.
- Adituen Panelari laguntzea egiaztapena berritzeko ebaluazio-prozesuari lotutako eskaerak egiten dituenean. Unibertsitateko kide batek egingo dio harrera Bisita Panelari, ongietorria egiteko eta haren jarduna errazteko beharrezkoa den guztia antolatzeko. Halaber, Unibertsitateko kide batek agurtu beharko du bisita amaitu ondoren.
- Bisita Panelari eskatutako ebidentzia gehigarriak aurkeztea.

4.7. Bisita Panelak bisita egitea

Planifikatutako egunetan, ebaluatu beharreko titulua edo tituluak atxikita dauden zentrorako bisita egingo da.

Bisitaren barruan, agendan jasotako kolektiboak elkarrizketatuko dira, eta denbora tarte bat egongo da Bisita Panelak aldeztatik eskatutako ebidentziak berrikusteko eta entzunaldi publiko bat egiteko. Entzunaldi horretara, titulazioarekin lotuta dagoen eta tituluari buruzko informazio gehigarria helarazi nahi duen pertsona oro joan ahal izango da.

4.8. Bisita Panelak bisitari buruzko txostena egitea

Bisita Panelak bisitari buruzko txosten bat idatziko du (IV. Eranskina).

Presidentearen txostenaren idazkuntzaren azken arduraduna bada ere, paneleko kideen arteko banaketa bat egingo da txostenaren zirriborroak egiteko. Txostena kideen artean egingo da.

Bisitari buruzko txostena amaitu ondoren, Bisita Paneleko presidenteak Unibasqi igorri beharko dio bi asteko gehieneko epean, bisita egiten den egunetik aurrera zenbatzen hasita.

4.9. Titulazioak Ebaluatzeko Batzordeak tituluaren dokumentazioa aztertzea.

Autoebaluazio Txostena, bisitari buruzko txostena eta egiaztapenari buruzko txostenean tituluari buruz eskuragarri dagoen aldeztatik aurreko gainerako informazioa Unibasqek aldeztatik esleitutako ebaluazio-batzordeek aztertuko dituzte.

Egindako azterketaren emaitza gisa, ebaluazio-txosten bat egingo du Batzordeak (V. Eranskina). Behin-behineko ebaluazio-txosten hori bi motako izan daiteke:

- egiaztapena berritzearen aldekoa, edo
- aldeko txostena lortzeko nahitaez aldatu beharreko alderdiekin.

Emaitza edozein izanik ere, txosten guztiek arrazoituta egon beharko dute, eta hobetzeko gomendioak eta/edo Hobekuntza Plan baten eskakizuna jaso ahal izango dituzte.

4.10. Behin-behineko txostena eta alegazioak igortzea

Behin-behineko txostena eta Bisita Panelak bisitari buruz egindako txostena unibertsitatera bidaliko dira, 20 egun balioduneko epean bidezkotzat hartzen dituen alegazioak egin ditzan. Behin-behineko txostenaren emaitza “aldeko txostena lortzeko nahitaez aldatu beharreko alderdiekin” bada, detektatutako hutsuneei buruz bidezkoak diren argibideak eman ahal izango ditu Unibertsitateak.

Unibertsitateak, argibide horiez gain, prozesuetan sartuko diren aldaketei buruzko erabaki estrategikoa jasoko duen Hobekuntza Plan bat erantsi beharko du Unibertsitateak, egiaztapenari buruzko behin-behineko txostenean identifikatutako hutsunak hobetu daitezten. Plan horrek egin beharreko ekintzen kontrola eta jarraipena ahalbidetu behar du, planteatzen diren hobekuntza-ekintzetarako sekuentzia, plangintza eta denbora bat barnean hartuta.

Epe hori igaro ondoren alegaziorik aurkeztu ez bada, Unibertsitateak aurkezteari uko egin diola ulertuko da, eta txosten hau behin betikoa izango da.

4.11. Titulazioak Ebaluatzeko Batzordeak alegazioak aztertzea

Alegazioak eta, hala badagokio, Hobekuntza Plana jaso ondoren, dagokion Batzordeak aztertu egingo ditu, eta Unibertsitateak planteatutako argibideak zein Unibertsitateak proposatutako Hobekuntza Planaren bideragarritasuna aztertuko ditu. Haietan oinarrituta, behin-behineko txostena aldatuko duen ala ez erabakiko du Batzordeak.

4.12. Unibasqek egiaztapena berritzeari buruzko azken txostena egitea eta igortzea

Unibasqek tituluaren egiaztapena berritzearen aldeko edo aurkako azken txostena egingo du, dokumentu honen 6. atalean adierazitako irizpideak gainditzeko betekizunen balioespena kontuan hartuta.

Unibasqek honako hauei bidaliko die azken txostena: unibertsitate eskatzaileari, Unibertsitate Kontseiluari, Hezkuntza, Kultura eta Kirol Ministerioari, unibertsitateen arloan eskumena duen Eusko Jaurlaritzako Sailari eta, hala badagokio, inplikaturako gainerako Autonomia Erkidegoei.

4.13. Unibertsitate Kontseiluak egiaztapena ebaztea

Azkenik, Unibertsitate Kontseiluak tituluaren egiaztapena berritzeari buruzko bidezko ebazpena emango du.

Ebazpena eman ondoren, Unibertsitate Kontseiluak unibertsitateen arloan eskumena duen Ministerioari, Euskal Autonomia Erkidegoari eta Unibertsitateari emango die dagokion ebazpenaren berri. Ebazpena egiaztapena berritzearen aldekoa bada, Ministerioak Unibertsitate, Zentro eta Tituluen Erregistroan (RUCT) inskribatuko du. Ebazpenean egiaztapena berritzea ezesten bada, berriz, dagokion titulua erregistrotik kenduko da data horretatik aurrera.

4.14. Errekurtsoa

Unibertsitateak Unibertsitate Kontseiluaren ebazpenaren aurkako errekurtsoa aurkeztu ahal izango du Kontseilu horren presidentzian, betiere ebazpena eman zen datatik aurrera hilabeteko epean (861/2010 Errege Dekretuaren 27.7 bis artikulua). Unibertsitate Kontseilua da bere aditu-batzordearen bidez ebazpena berretsi edo, aldiz, erreklamazioa onartu eta Unibasqera bidaltzeko eskumena duen organoa; Kontseiluak modu zehatzean adierazi beharko ditu berrikusi beharreko ebaluazioaren alderdiak, erreklamazioa aurkeztu zen datatik kontatzen hasita hiru hilabeteko gehieneko epean. Unibertsitateak Eusko Jaurlaritzan unibertsitateen arloan eskumena duen Sailari eman beharko dio aurkeztutako errekurtsoareen berri, errekurtsoa aurkeztu eta hamar eguneko epean.

Erreklamazio Batzordea Titulazioak Ebaluatzeko bost Batzordeetako presidenteez osatuko dute. Batzorde horrek erreklamazioa aztertu eta ebatziko du, eta erabakia Unibertsitate Kontseiluari jakinaraziko dio.

Ebaluazio-eredua hiru dimentsiotan oinarrituta dago:

- ✓ PROGRAMAREN KUDEAKETA. Doktorego-programaren ezarpenaren alderdien artean erakundeak garatu nahi zuen proiektuaren betetze-maila erakusten dutenak aztertzen dira: gizartearentzat duten interesa, kudeaketa akademikoa, sortutako informazio publikoa eta Kalitatea Bermatzeko Sistemaren ezarpen-maila.
- ✓ BALIABIDEAK. Doktorego-programak bere ezarpenean erabili dituen giza baliabideak, baliabide materialak eta babes-baliabideak ebaluatzen dira.
- ✓ EMAITZAK. Doktorego-programaren emaitzekin lotura duten alderdiak eta haiek titulua garatzean izan duten bilakaera ebaluatzen dira.

Bestalde, dimentsioak zazpi irizpidetan banatzen dira, eta irizpide horiek azterketa modu egokian egiteko beharrezkoa den informazioa identifikatzeko desagregazio-maila egokia izatea ahalbidetzen dute. Irizpide bakoitza

lortu beharreko estandar baten bidez definitzen da. Azkenik, irizpide bakoitza ebaluazio-jarraibide batean edo gehiagotan zehazten da (I. Eranskina, II. Eranskina):

1. DIMENTSIOA. TITULUAREN KUDEAKETA	2. DIMENTSIOA. BALIABIDEAK	3. DIMENTSIOA. EMAITZAK
1. IRIZPIDEA. ANTOLAMENDUA ETA GARAPENA	4. IRIZPIDEA. LANGILE AKADEMIKOAK	6. IRIZPIDEA. IKASKUNTZA-EMAITZAK
2. IRIZPIDEA. INFORMAZIOA ETA GARDENTASUNA	5. IRIZPIDEA. BALIABIDE MATERIALAK ETA ZERBITZUAK	7. IRIZPIDEA. GOGOBEETETZEAREN ETA ERRENDIMENDUAREN ADIERAZLEAK
3. IRIZPIDEA. KALITATEA BERMATZEKO SISTEMA		

Unibertsitateak onartzen badu, Unibasqek VI. Eranskinean zehaztutako 8., 9. eta 10. aukerako irizpideen betetze-maila ebaluatu ahal izango du.

Irizpide bakoitza balioestean, lau maila hartuko dira kontuan:

- Bikain gainditu da. Irizpideari dagokion estandarra guztiz lortu da, eta, gainera, oinarrizko eskakizunak gainditzen dituen adibidetzat har daiteke.
- Lortu da. Irizpideari dagokion estandarra guztiz lortu da.
- Partzialki lortu da. Estandarra gutxieneko mailan lortu da, baina hobetu beharreko alderdiak detektatu dira.
- Ez da lortu. Irizpideak ez du dagokion estandarrera iristeko eskatzen zen gutxieneko maila lortu.

Balioespen erdikuantitatiboa bisitari buruzko txostena egitean baino ez da erabiliko, II. Eranskinean jasotakoari jarraikiz.

Honako zirkunstantzietako bat edo gehiago agertzea aurkako balioespen orokorra egiteko arrazoia izango da:

- Beharrezkoa izanik ere dagokion agentziak behin eta berriz adierazi ondoren zuzendu ez diren hutsuneak.
- Langile akademikoen, baliabide materialen eta zerbitzuen arloko egiaztapen-memorian edo haren ondorengo aldatetetan bere gain hartutako konpromiso argiak eta helburuak ez betetzea.
- “Ez da lortu kalifikazioa” honako irizpide hauetako batean:

4. irizpidea Langile akademikoak
5. irizpidea. Baliabide materialak eta zerbitzuak
6. irizpidea. Ikaskuntza-emaitezak

Arestian adierazitakoa gorabehera, beste irizpide batzuetan hutsune larriak identifikatzeak aurkako txostena egitea eragin dezake.

Unibertsitateek Unibertsitate Prestakuntzaren Kalitatearen Barne Bermeko Sistemak Aitortzeko Programaren (AUDIT) ezarpenaren ziurtagiria dutenean, ziurtapen-txostenaren edukia kontuan hartuko da tituluen egiaztapena berritzeko prozesuan, eta, oro har, egiaztapena berritzeko honako jarraibide hauek unibertsitateak bisitatzen dituzten bisita-panelen ebaluazioaren xede ez izatea ahalbidetuko da:

- 1. irizpidea: antolamendua eta garapena. Doktoregaien sarrerako profila egokia dela eta haien kopurua programaren ikerketa-ildoan ezaugarriekin eta banaketarekin eta eskaintako plazen kopuruarekin bat datorrela bermatzeko mekanismoak ditu programak.
- 2. irizpidea: informazioa eta gardentasuna.
- 3. irizpidea: Kalitatea Bermatzeko Sistema.
- 5. irizpidea: [baliabide materialak eta zerbitzuak](#). Orientazio akademikoko zerbitzuek ikertzaile izan nahi duten ikasleen prestakuntza-prozesuaren premiei erantzuten diete.

Unibertsitateek DOCENTIA ezarpen-ziurtagiria dutenean, ziurtapen-txostenaren edukia kontuan hartuko da tituluen egiaztapena berritzeko prozesuan. DOCENTIAren ziurtatze-prozesuan, zentroan ezarritako Irakaskuntzaren Kalitatea Ebaluatzeko Sistemaren alderdi desberdinen balioespenari buruzko gogoeta egiten da. Balioespen hori ebaluazio-txostenean islatzen da eta horren edukia zentroko tituluen egiaztapena berritzeko prozesuan kontuan hartuko da.

Aurrekoa gorabehera, hainbat informazio-iturriren bitartez Unibasqek zentroan ematen diren tituluetan gorabeherak detektatzen baditu, egiaztapen-ereduan ezarritako eraginpeko irizpideak ebaluatuko ditu, zentroak AUDIT ziurtagiria duen edota Unibertsitateak DOCENTIA ziurtagiria duen alde batera utzita.

Vitoria-Gasteiz, 2017ko urriaren 10a

Eva Ferreira García
Unibasqeko zuzendaria